

# KEPA ORMAZABAL GALDOS

A Maila | Bertsoa | aipamen saria

Ni, Kepa, Gabirian bizi naizen gazte bat naiz, eta harro nago hala izateaz. Bertan bizi dudan giroa oso maitatua dut, eta ondorioz, nire bertsoen esanahiak. Gustoko dut baserrigiroa, baita bertsoen mundua ere. Bestalde, kirolaria naiz, kirol gehienak ditut gustoko, baina bereiziki txirrindularitza eta futbola. Ikasle ona izateaz gain, afizio askoko mutil bat naizela esango nuke.

## BASERRIAREN BEHERAKADA

DOINUA: Iparragirre abila dela

Goizean jeiki, katiuskak jantzi,

Behiei jana ematera

Gero errapek jeitzi dittut ta

lau litro esne atera,

Litroa euro baten,

Ezinda eman jaten,

Izardie goitik behera,

Ordu ta erdi lan egin eta

lau euroekin etxera.

Oiloak eta oilarrak ere

Gosetu dira iadanik,

Hiru dozena arrautza bildu

Ez pentsa gaizki dagonik,

Baiño\_honen prezioa,

Juxtue razioa,

Ia saltzen da doainik,

Kaleko jendek prezio hontan

Ez luke egingo lanik

Hamar terdiak jo berri eta

Tripa barrenak ordago,

Gaztai pixka bat, txoixo punta bat

Eta ardoari trago,

Indarrak hartu eta,

Berriz lanera buelta,

Lehen baiño prexkoago,

Baserrin bizi nahi baldin bada,

Lan egin beharra dago.

Bazkal ordua iritsi arte

Baratzan porruak sartzen,

Bi ordu luze makurtuta ta

Halere ez naiz kexatzen,

Letxuga ta tomate,

Denak urezta arte,  
Ezin da hasi bazkaltzen,  
Merkadonara joan ta erosi  
Askoz erosogoa zen.

Bazkaldu erdi presaka eta  
Arratsalden sagastira,  
Illuntzan dutxa azkar bat hartu  
Ta koperatiba gira,  
Pentsua erosita,  
Preziok ikusita,  
Ez dira jeitsi erdira,  
Goizean zehar lortutakoak  
Pentsutan xautu dira.

Situazio larrian gaude  
Jarri gaitezen serio,  
Buelta bat eman baserriari  
Gaztek gea oaindio,  
Maitatu baserria,  
Bertako jan  
Kalitatea medio,  
San tomaseko ospakizunek  
Ez dute asko balio.